



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

meine vuret su ir lip . Sv wirt unreine . der
 werlde gemeine . an iro muz gerinnen (.)
 teristu minna . van vbeler geluste . daz barn 5
 wirsista . Su mûz di daga vr vullan . da in ba

s. 2.

manec geritthe . zv der lude gesitthe . der si
 ner wndero ist so vilo . daz ih ne mac nohc
 ne wil . ne cheinemo dūben . nimer vor gele
 (sen) noh gesagan . daz er so manege dugunt 5
 habe . wande niman der nist so gvot . demo
 er sine ceichen vor dud er ne zviuele ī sīnen

der nur die obere hälfte der buchstaben geblieben. 6. S mit ro-
 them striche.

I, 2, 4. noh] vom n nur ein strich geblieben. 6. nach dud
 fehlt der punct.

MARIENGRÜSSE.

*Das nachfolgende gedicht verdient meiner meinung nach einen abdruck trotz dem ungünstigen urtheile das Gervinus 1, 541 darüber ausgesprochen hat. denn wie wenig lob es vom ästhetischen standpuncte aus auch verdienen mag, so ist es doch in anderer beziehung merkwürdig genug um die mittheilung desselben zu rechtfertigen. zwar dürfen die zeilen 390—392 nicht so verstanden werden als ob das gedicht um 1200 entstanden wäre, indem die 5200 jahre von Adam bis Christus zu den gewöhnlichen mittelalterlichen berechnungen des weltalters gehören. doch scheint es mir vor der goldenen schmiede, etwa um die mitte des 13n jahrhunderts, gedichtet zu sein. dieser zeit widerspricht weder der versbau noch der reim, der keine auffallenden freiheiten zeigt. das einzig bedenkliche wäre geslähte : bræhte, wenn nicht besser dafür, alemannischer mundart gemäß, geslehte : brêhte zu schreiben ist. als einen alemannen bezeichnet sich der verfasser zeile 36 selbst.**

* [Almân heisst doch wohl nur Deutscher, wie bei Walther im munde des wälschen papstes freilich passender und bei Wolfram und andern in französischen erzählungen begreiflicher. Haupt.]

*An kunst der darstellung und dichterischem ausdrück dürfen sich die mariengrüsse mit Gottfrieds lobgesang nicht messen. doch entbehren sie nicht eines gewissen schwunges, und das eigenthümliche versmafs erinnert lebhaft an den frierlichen gang der berühmten hymnen Dies irae und Lauda Sion salvatorem. durch eine menge theils seltener theils ganz unbekannter wörter und ausdrücke ist das gedicht auch sprachlich nicht unwichtig, und an bildern und gleichnissen auf Maria enthält es einen solchen reichthum das Wilhelm Grimm, hätte er mehr davon gekannt als einige strophen aus dem anfang, die er, durch Docens aufschrift irre geführt, ins 16e jahrh. setzt, für die treffliche zusammenstellung derselben in der einleitung zur goldenen schmiede s. xxiv — lxi eine beträchtliche ausbeute gewonnen haben würde. im höchsten grade auffallend war mir die zweimal, z. 791 und 821, gebrauchte apostrophe leser, der ich wenigstens in schriftlichen denkmälern des 12n und 13n jhs begegnet zu sein mich nicht erinnern kann.**

Da ich seiner zeit unterlassen habe das gedicht aus der Heidelberger hs. nr 341, wo es auf bl. 16—22 steht, abzuschreiben, so theile ich es hier nach der in meinen händen befindlichen abschrift des Koloczaer codex mit. am ende sind hier noch weitere 122 verse angehängt, die aber mit den Mariengrüßen in keinem zusammenhange stehen und auf den ersten blick als ein für sich bestehendes gedicht erscheinen. da es von einer frau und zwar keiner klosterfrau verfaßt ist, will ich es hier der seltenheit halber ebenfalls mittheilen.

*Neunzehn strophen aus den mariengrüßen hat Docen in den Miscellaneen 2, 244—246 nach einer nicht näher bezeichneten hs. abdrucken lassen. ich habe die lesarten mit D bezeichnet.***

Stuttgart im mai 1850.

FRANZ PFEIFFER.

* [leser dises buochs, vernim Heinrich Trist. 2644. Haupt.]

** [Wiener hs. 2677 bl. 56^b—58^a, s. Hoffmanns verzeichnis s. 85. Haupt.]

In drin persônen ein starker got,
 vertrip den leiden Behemot
 von mines herzen twalme
 und von mîns mundes galme,
 von den fünf sinnen, die dû mir 5
 gegeben hâst ze rehter gir.
 sende mir den süezen geist,
 der guoter dinge ist ein volleist,
 ein brunne, ein vluz, ein wîter sè
 der alten unt der niuwen è. 10
 dîn helflich zeswe sî mir obe
 daz ich die werden wol gelobe,
 diu maget wesende muoter wart.
 an ir verlôs nâtûre ir art,
 wan wir von vier gebürten lesen. 15
 von erde Adâm sol einiu wesen,
 diu ander von Adâms rippe ein wîp,
 von è noch zwei werdent ein lîp:
 Adâm und Eve, ir beider kint,
 ich wæn daz drie gebürte sint. 20
 diu vierde ist wunderlich genuoc:
 ein reiniu maget ein kint getruoc,
 alsam ein acker âne pfluoc
 der liljen treit, und âne luoc
 diu sunne schînt durch ganzez glas. 25
 sî ist immer maget, als sie dô was
 dô sie Emânûeles genas.
 lop sî dir, werde trînitâs!
 Dû solt mich des geniezen lân,
 vil reiniu muoter wol getân, 30
 daz dir genâden nie zeran.
 hilf mir volbringen solhen wân
 den ich in mînem herzen hân.
 ich weiz wol daz dich nimmer man
 ze vollen wol volloben kan: 35

Überschrift Hie hebent sich unser vrowen san anderthalp hundert
 gruzze an. 5. vnd von 20. want 23. pfuc 24. luc

ich bin ein sündic Almân
 und kræ dîn lop alsam ein han
 der sich des tages wil enstân.
 mîn sin ist kûme alsam ein gran
 der in der aschen ist bestân 40
 dâ gar ein richez fiur entbran.
 doch ist dîn güete alsô getân
 daz si dem sûnder heiles gan.
 nu entslah mir, vrouwe, mîneñ ban
 unt swaz ich sünden ie gewan, 45
 nâch der ich in der jugent wân,
 dô ich mich bezzers niht versan,
 und in der werlde vlüete ran.
 bi dîner güete ich des man.
 lâ mich dir hie ze buoze stân. 50
 gnâde sol vor dem rehte gân;
 sô kum ich wîz alsam ein swan
 ûf Jôsaphât den witen plân
 unt var mit den gesegenten dan,
 sô daz gerihte wirt getân. 55
 Mariâ, liechter trêmontân,
 ich bin dîn armer kapelân.
 verwâze von mir den Satân,
 der durch hôchvart von himel entran
 und als ein eber ist gezan 60
 und hât alsam ein katze gran.
 mit sînen krumben scharpfen klân
 er schalc ûf lûterr wolle span
 âkampen für guoten ypriân.
 dô viel er in der helle tan 65
 und ist des abgründes fürspan.
 dâ endet sich der rîme ian
 und hebt daz êrste fünfzic an.
 Wis gegrüezet, Jessê künne,
 lop der engel, vröude, wünne, 70
 fürstenkint ûz küneges stamme,

42. gut 46. in d. j. ich w. 64. ymprian C. ypriân, wollen-
 tuch von Ypern in Westflandern; vergl. von der Hagens MS. 4, 539.
 69 = 6 D. 70. werde w. D.

- gotes tochter, Kristes amme.
Wis gegrüezet, Aarônes gerte,
 diu mit nützen daz beherte
 daz ir herre und ir geslæhte 75
 gote sîn opfer willic bræhte.
Wis gegrüezet, stûde dornic,
 Moyseses fluwer sanfte zornic,
 daz bran und verbran doch nimmer:
 alsô bistû maget immer. 80
Wis gegrüezet, vel des schaffes,
 Gedêones touw des saffes,
 trôr, der uns von himel getrôrte,
 dô dîn ôre den gruoze erhôrte.
Wis gegrüezet, des paradises 85
 liehtiu bluome, bluost des rîses
 dà daz leben wehset ûfe,
 vrôuden sange, sælden hûfe.
Wis gegrüezet, himelvrouwe!
 neig dîn ôre her abe und schouwe, 90
 waz noch nisteln unde neven
 lebt mit jâmer hie von Even.
Wis gegrüezet, reiner sâme!
 dich geruorte von Adâme
 niht wan geburt, dar nâch dû wære 95
 valsches vrî, gar sünden lære.
Wis gegrüezet, rôsen anger!
 dô dû Kristes wurde swanger,
 dô want sîden zuo dem golde
 gotes wîsheit, als si wolde. 100
Wis gegrüezet, liljen garte!
 bî dir stêt ûf Sîons warte
 manic tûsent meide schône,
 den gît allen licht dîn krône.
Wis gegrüezet, edliu gimme! 105

72. Christus *D.* 81 = 7 *D.* 81. velde *C.* schafes *D.*
 82. saffes *D.* saphes *C.* 85 = 8 *D.* 86. blut *C.* 87. do *CD.*
 wahset *D.* 88. sages *C.* 89 = 9 *D.* 90. neige *C.* 91. nif-
 tel *D.* 94. geruste 95. nie n. w. 97 = 3 *D.* 99. zu *D.*
 uz *C.* 101 = 4 *D.* 103 = 5 *D.*

- wes sin, wes munt oder wes stimme
 mac volsprechen dîn gezierde?
 daz tet niht Salmôn selb vierde.
- Wis gegrüezet, süeziu tohter!
 der jude suohte, dône mohter 110
 an dir mâsen niender vinden,
 diu von manne solde kinden.
- Wis gegrüezet, der prophêten
 wunsch, die girde nâch dir hêten,
 den du süeze in munde wære 115
 ê dîn schîn uns licht gebære.
- Wis gegrüezet, balsamtropfe!
 diu wære minne ûz dînem kopfe
 drie strenen gegen uns vlihtet,
 der stric uns ze himel rihtet. 120
- Wis gegrüezet, klâriu sunne!
 von dir hât der himel wunne.
 sunnen schîn ist dîn gewæte;
 sô gar was dîn kiusche stæte.
- Wis gegrüezet, himelvane! 125
 dîne fûeze hât der mâne
 ûf im; nieman des niht wæne
 daz dîn schamel sî von spæne.
- Wis gegrüezet, vrouwe gerne!
 ûf dîn houbet zwelif sterne 130
 sint gemachet zeiner krône
 von dem wîsen Salomône.
- Wis gegrüezet, margariten
 voller acker! dîn nam wîten
 billet, schillet, hiâ, hiâ! 135
 hilf uns, hilf uns, guot Mariâ!
- Wis gegrüezet, muschât stingel!
 umb dîn krône gêt ein ringel,
 dâ die zwelf an einer zîle
 steine ligent âne vîle. 140
- Wis gegrüezet, brunne lûter!

106. mut *C.* oder st. *D.* 107. moht uzspr. *D.* 108. Salomon
 selbe *C.* 109 = 10 *D.* 110. Jud s. do enm. *D.* 121 = 11 *D.*
 125 = 12 *D.* 134. name 141 = 13 *D.*

- Îsâias dich bedûter
 wilent mit alsolhem mære,
 daz ein maget ein kint gebære.
Wis gegrüezet, honeges vlade! 145
 hilf uns armen zuo dem stade;
 liechter merstern, leite und wise
 uns zem vrönen paradise.
Wis gegrüezet, morgenröete!
 hilf den sêlen ûz der noete 150
 die daz vegefiur dâ eitet;
 dîn trôst si ze himel leitet.
Wis gegrüezet, reiniu erde!
 hilf mir daz ich nimmer werde
 gêr noch ermel in daz muoder 155
 dâ diu helle nimt ir luoder.
Wis gegrüezet, edel vrië!
 dich bezeichent wol diu bîe,
 diu treit wahs und honec ze hûse:
 got wart mensche in dîner klûse. 160
Wis gegrüezet, zuckerstücke,
 zimmîn rinde, mirren rücke!
 ziuch uns nâch dir ûf der strâze,
 daz wir gên nâch dînem wâze.
Wis gegrüezet, und geruoche 165
 biten daz ich an dem buoche
 dînes sunes sî genennet,
 der die sînen wol bekennet.
Wis gegrüezet, wurm der siden!
 swaz die juden dich genîden, 170
 als daz wûrmel sich bewindet,
 Krist man bî dir, maget, vindet.
Wis gegrüezet, liechter morgen,
 des heiligen geistes orgen!
 die stimme lustet wol ze hœren 175
 got mit allen himel kœren.

142. alsus dich *C.* 145 = 14 *D.* 146. zum gestade *D.* 148.
 zum *D.*, zu dem *C.* 149 = 150 *D.* 149. rot *C.* 150. not *C.*
 151. wilde fegfiur e. *D.* 153 = 16 *D.* 155. gere *C.* 157 = 17 *D.*
 162. ze minne rint *C.* 165 = 18 *D.* 169 = 19 *D.* 174. geisten *C.*

MARIENGRÜSSE.

281

- Wis gegrüezet, süezer âbent!
 nâch dir ûf der wante trabent
 meide im vinstre mit ir palmen,
 die got singent lop und salmen. 180
- Wis gegrüezet, êrstiu vîge!
 hilf mir daz ich nâch dir stîge
 dar dâ sich daz leben lenget,
 vröude breitet, jâmer enget.
- Wis gegrüezet, vîolstûde! 185
 swaz der ketzer von dir snûde,
 dich muoz al diu werlt vlêhen:
 si sint dîn eigen, niht dîn lêhen.
- Wis gegrüezet, wînes trûbe!
 hiufel sam diu turteltûbe 190
 hâst dû, dar zuo tûbenougen,
 die wol sehent gotes tougen.
- Wis gegrüezet, sumerlate!
 wirouches ruch ûz arômâte,
 spinat, gaffer und alêne 195
 ist gegen dîner sûeze ein krêne.
- Wis gegrüezet, spica nardes,
 veldes bluome, klê des hardes.
 zeder, mirrekafse, mandêl,
 dû cypresse sunder wandel. 200
- Wis gegrüezet, grüener sâmit!
 ez kumt nieman in dîn hâmit,
 wan die engel unt die meide
 die sint bî dir ûf der heide.
- Wis gegrüezet, rôse ân dorne, 205
 benim uns dînes kindes zorne,
 daz wir kumen zuo dem trône
 dâ got wonet mit dir schône.
- Wis gegrüezet, maget Marië!
 dû uns all von sünden vrîe, 210
 daz uns ir keiniu niht envelle
 in die grundelôsen helle.

183. do C. 198. alene, *helenenkraut*, *inula helenium*, *alant*.
 199. kasse 202. er k. 204. der *fehlt*. 205. ane dorn
 211. uns kein sunde n. e.

- Wis gegrüezet, Dâvides lire!
 bî dir ist der vröuden vîre.
 swem diu seite ze rehte erklinget, 215
 sam der reht der halze springet.
- Wis gegrüezet, himelrinc,
 aller tugent ein ursprinc,
 entsliuze uns ûf die himelporten,
 Marjâ, mit dinen süezen worten. 220
- Wis gegrüezet, küneginne,
 Jerusalêmes liehtiu zinne,
 Sîôns turnes mûre starke,
 Salmônes tempel, gotes arke. 225
- Wis gegrüezet, keisers adel, 225
 weizengarben voller stadel,
 wol mit liljen übersticket,
 dâ sint rôsen in gezwicket.
- Wis gegrüezet, walt der kesten!
 âne dorne für die besten 230
 høere ich lesen, singen, schrîben
 dich ûz meiden unde ûz wîben.
- Wis gegrüezet, goldes liste,
 dâ sich selbe got in brîste:
 durch dîn ôre dranc diu nadel; 235
 dû bist immer âne tadel.
- Wis gegrüezet liechter sumer!
 nâch got lebet alsô frumer
 nieman der sich dir gelîche,
 ûf der erde noch in himelrîche. 240
- Wis gegrüezet, himelslûzzel,
 himel leiter, himelsprûzzel,
 an dir steic Adâm von helle:
 ère dich swer genesen welle.
- Wis gegrüezet, himelporte! 245
 hilf mir, daz ich an dem orte

216. sam ein rêch? 221 = 1 D. 223. Sion turnes C, Sions
 turne D. vil st. D. 225 = 2 D. 226. garbe D. 227. um-
 best. D. 228. do D. 234. do — priste 235. über die em-
 pfängnis durch das ohr vergl. Walther 36, 33 — 37 und Gottfrieds
 lobgesang 49, 9. 243. steit 244. Man ere d.

- stê dâ got die rehten mizzet
unt der winstern schar vergizzet.
Wis gegrüezet, reiniu wolke!
ûf dir quam zuo sînem volke 250
gotes sun in dise vinster
ob der zeswen an die winster.
Wis gegrüezet, donerstrâle!
dû bist in dem himelsâle
Salmônes trôn, gotes gesidel, 255
Dâvides herpfe, seitevidel.
Wis gegrüezet, unde erkenne
daz ich, vrouwe, selten nenne
dinen namen in dem getichte:
daz kumt von der rîme nihte. 260
Wis gegrüezet, stætiu triuwe!
dîn genâde ist immer niuwe
biz der himel sich verkêret
unt diu erde ir hab gerêret.
Wis gegrüezet mit den worten, 265
diu sprach ab des kriuzes orten
dîn sun zuo dir, tochter Annen
dô er dich bevalch Jôhannen.
Wis gegrüezet, âne wêwen
Kristes muoter! lebens êwen 270
hât daz werde hofgesinde
von Siôn bi dînem kinde.
Wis gegrüezet an die fûeze!
hilf mir, vrowe, daz ich gebûeze
mîner sünden massenie, 275
als von Egypten tet Marie.
Wis gegrüezet an die hende!
hie daz fünfzie hât ein ende,
daz wir hie mit wunsche râmen:
hilf uns zuo dir. âmen, âmen. 280
Ein wunder wîlen ê geschach,
daz maneger muoter kint sach:
ez was sehs mânôd unt driu jâr

247. do 251. diser 252. ob] von? [ab *Hpt.*] [264. hâr? *Hpt.*]

280. *ein âmen fehlt.*

ungeregent, daz ist wâr.
 daz quam von eines mannes bete, 285
 Hêlÿas, durch den got daz tete.
 daz was ein swæriu gotes zuht.
 diu erde gap deheine fruht.
 dar nâch der künic sich bewac,
 der dô der juden volkes pflac, 290
 er fuor dâ er Êlÿam sach.
 'bit got umb uns' hinzim er sprach:
 'daz volc vertirbet âne wer.'
 der wîssage sante gegen den mer
 sînen boten für sich dar. 295
 er sprach 'nû nim der wolken war.'
 der bote sprach, dô er quam wider,
 'ich sihe niht wolken ûf noch nider.'
 er sante in biz an siben stunt.
 dô quam er wider unt tet im kunt 300
 'ich sihe ein kleinez wolkelin,
 daz hât eines menschen schîn
 und gêt ûf rehte von dem mer.'
 dar nâch quam regens ein mîchel her
 unt gap diu erde fruht genuoc. 305
 diu wolke, diu den regen truoc
 in unser gar unberndez lant,
 daz bist dû, reiniu maget erkant,
 geborn ûz dirre werlde vluot
 diu sam daz mer nû wüetens tuot; 310
 der regen gotes sun, dîn kint,
 von dem diu lant erfuhtet sint,
 der ist der siben gâbe wirt.
 vil reine fruht diu erde gebirt,
 die rehte erfuhtet solhez trôr. 315
 neige, vrouwe, mir dîn ôr,
 wan dir zeran erbermde nie:
 Thofilum dir diu helle lie.
 ich hebe daz ander fünfcîc an
 durch dich, Mariâ lobesan. 320

291. do. 293. versturbet — we 295. gar dar 311. wegen
 315. solchen 318. dir] der 319. und h. — hie an

- Vrewe dich, aller vrouwen vrouwe!
 nie wart in der sünden touwe
 naz der soum an dîner wæte;
 sô gar was dîn kiusche stæte.
 Vrewe dich daz dîn got geruochet 325
 zeiner muoter und an dich suochet
 daz dû sînen sun gebærest
 unt doch immer maget wærest.
 Vrewe dich, vrouwe, solher mære,
 daz dû lœsærinne wære 330
 aller vrouwen von itwizze,
 den brach Evâ mit dem bizze.
 Vrewe dich daz dû an dem râte
 bî der hôhen trinitâte
 wære, dô got gedâhte lœsen 335
 Adams künne von dem bæsen.
 Vrewe dich, vrouwe, dû gehieze
 dînen magtuom gote und lieze
 leben lîp wort unde sinne
 an die wâren gotes minne. 340
 Vrewe dich! under dînen rippen
 wart got mensche; in einer krippen
 was dîn reinez kindel betten;
 ohs und esel bî dir treten.
 Vrewe dich, vrouwe! sunder smerzen 345
 trûge dû bî dînem herzen
 himelbrôt, der engel spîse,
 unser heil in kindes wîse.
 Vrewe dich daz got des geluste
 daz dîn süezer munt in kuste. 350
 dû wund in in dîner windel
 dînen schepfer als ein kindel.
 Vrewe dich, vrouwe, daz die drîe
 künege rîch von Arabie
 dînem sune ir opfer brâhten: 355
 zeinem küneg si sîn gedâhten.
 Vrewe dich, daz dîn reinez opfer
 silber golt was noch daz kopfer,

- wan zwei tiubel, dô dû woltest
gên ze kirchen als dû soltest. 360
- Vrewe dich, vrouwe, daz dû wære
dîn sun unde dîn schepfære
wazzer biez ze guotem wine
werden durch die lieben dine.
- Vrewe dich, daz diu wunder swigent 365
dinem sune und alle nigent:
wazzer luft fîwer und erde
dienent im nâch hôhem werde.
- Vrewe dich, vrouwe, daz die siben
gâbe bî dir gar beliben, 370
die dîn schône kunden hûeten,
vor der valschen liute wûeten.
- Vrewe dich, vrouwe! die sûnder alle
dich anruofent nâch ir valle
' hilf uns durch die namen drie, 375
muoter unde maget Marie!'
- Vrewe dich, vrouwe, solher gâbe,
diu von himel quam herabe,
daz dich vol genâden nennet
dinen namen swer erkennet. 380
- Vrewe dich daz dîn name schînet
morgen âbent nehten hînet,
swie die wîle sint gemezzen:
dû solt unser niht vergezzen.
- Vrewe dich, vrouwe, daz wir kristen 385
uns mit dinem namen vristen.
dû bist uns ein vestiu mûre
für der leiden helle schûre.
- Vrewe dich, daz dû uns den bræhte
der uns half ûz solher æhte 390
dâ wir inne verbannen wâren
vor zwei hundert und fünf tûsent jâren.
- Vrewe dich, vrouwe! hilf uns vreuden,
daz wir stên vor den bescheiden
dînes kindes an dem lesten 395

362. *das zweite dîn fehlt.*

368. in — hohen

370. gahe

371. diner

388. vor?

395. kinden

- bî den rehten, bî den besten.
 Vrewe dich, aller vreuden spiegel!
 in dem oven sam der ziegel
 eitet sich unt wird gerøtet,
 sus wårn al die sünde ertøtet. 400
- Vrewe dich, vrouwe, daz dîn güete
 nie verløs alsulch gemüete,
 dune hulpest swer dich bæte
 sunder valsches herzen ræte.
- Vrewe dich von des engels gruoze: 405
 Gabriël der sprach vil suoze
 'got der wil bî dir beliben,
 dû gesegent ûz allen wîben.'
- Vrewe dich, vrowe! durch dine sële
 dranc ein swert von jåmers quële, 410
 dô dû dîn kint sæhe hangen
 an des hêren kriuzes spangen.
- Vrewe dich! der die sunne erliuhtet,
 sterne zelt, daz mer erfiuhtet,
 den beslôz dîn reinez wembel, 415
 unsern heilant, gotes lembel.
- rewe dich, vrouwe! wir gelouben
 daz dû maht die wîze betouben.
 wes kan dîn sun dich verzihen?
 er mac geben, dû solt lihen. 420
- Vrewe dich daz got wart gebildet
 in dir mensche. gar erwildet
 ist diu werlt: die solt dû riuten.
 hilf uns armen kristenliuten.
- Vrewe dich, vrowe, daz nie gehôrte 425
 ôre noch herze nie bekorte
 noch ich die vreude geschriben vinde
 die dû hâst bî dînem kinde.
- Vrewe dich, vrouwe, und hilf uns allen:
 wan wær Adam niht gevallen, 430
 sone hête wir niht schulde,
 diu nû bedôrft dîner hulde
- Vrewe dich, vrouwe! swaz wir suochen,

- lesen, singen an den buochen,
 daz ist dines suns urkunde, 435
 wie er starp durch unser sünde.
 Vrewe dich von sô hôhem prise,
 daz dû reiniu wær sô wîse,
 daz dû gotes tougen trüege
 unde ir cines nie gewüege. 440
 Vrewe dich, vrouwe, des besunder:
 got ist fiwer, dû bist zunder:
 diu zwei sint alsô gemischet
 daz ir flamme niht erlischet.
 Vrewe dich, vreuden anege! 445
 hoehe, tiefe, breite und lenge,
 swaz dar inne gât, vert, fluzet,
 dîn ie gnôz und noch geniuzet.
 Vrewe dich, vrouwe, vrî, vrô, vröulich!
 swie der tiuvel sî vil dröulich, 450
 dîn sun was im köder und angel,
 des noch hât diu hellê mangel.
 Vrewe dich! den die juden morten,
 der enslôz die drie pforten
 helle, paradîs, himeltûr 455
 nâch sîn selbes willekûr.
 Vrewe dich, vrouwe vreudenrîche!
 vor des tôdes nôt dîn lîche
 sicher was, sam vor dem meile
 dîn geburt an mannes teile. 460
 Vrewe dich! swie sie sîn gescheiden,
 juden, kristen unde heiden,
 die sint dines sunes eigen:
 habe die stæten, hilf den veigen.
 Vrewe dich, vrouwe! dû gebiutest 465
 dînem sun, den dû wol triutest:
 bit got, gebiute dînem kinde
 daz unser wîze werden linde
 Vrewe dich! dîn fruht wuohs ze heile
 den die Adam machte veile 470
 in den tôt, die got der guote

- lôste mit sîn selbes bluote.
Vrewe dich, vrouwe! hilf uns armen!
den dû trüege an dinen armen,
dem wigt himel und erde ringer 475
denne ein vese ûf mînem vinger.
Vrewe dich daz ûf dîner schôze
saz der rîche got der grôze,
daz er machte sich sô kleine:
dâ mite half er uns von dem meine. 480
Vrewe dich, vrouwe, solher êren!
sô sich muoz diu werlt verkêren,
erde neben himel valden,
dû bist sicher in den halden.
Vrewe dich! dir kan niht gewerren: 485
die vier und zweinzic altherren
sihest dû, vrouwe, vor dem trône
sitzen, stên ze hove schône.
Vrewe dich, vrouwe, daz dîn houbet
siner krône niht beroubet 490
alter, vrost, hitze noch hunger:
bî dir wird der alte junger.
Vrewe dich! ûf der erde niemen
ist wol wirdic einen riemen
dem enbinden âne swære 495
den dû, reiniu maget, gebære.
Vrewe dich, vrouwe! kûnege, keiser
mûezen alle werden heiser,
swîgen, nîgen; dîn munt sprichet,
dâ got mit gerihte richet. 500
Vrewe dich! dû bist zallen zîten
gote vil nâhen bî der sîten,
der die winde fliegen lêret
unt den snê von wolken rêret.
Vrewe dich, vrouwe! in dînem hove 505
irret niemen stein noch schrove.
got ist wirt, dû bist wirtinne;
daz schuof dir diu wâre minne.
Vrewe dich unde vrewe mir armen

475. wiget 476. minen 491. durch h. [I. durst, hunger. *Ihpt.*]

die sêle und lâ dich erbarmen.	510
wir sîn stoup und erde ûz erden;	
daz sie sint daz soll wir werden.	
Vrewe dich, vrouwe vreudenbære!	
engel, meide, marterære	
hihtegær und zwelfboten guote	515
vrewen sich dîn in süezem muote.	
Vrewe dich, vrowe! waz spriche ich mère?	
dîn hât himel und erde êre.	
sît wir leben von dir nâmen,	
sô behalt uns. âmen, âmen.	520
Nû høeret, herzenliebiu kint,	
diu in der toufe erwahsen sint,	
ich wil iu tuon ein mære bekant,	
daz ich an einem buoche vant.	
daz ist genant durch den gesuoch	525
unser frouwen judenbuoch.	
dâ stêt ir wonders inne ein hort,	
wie sie kan lōnen ûf daz ort	
dem der ir dienstes ist bereit.	
alsus daz selbe buoch seit.	530
ein armer priester wîlen was,	
der lützel sanc und wênic las,	
wan er niht wol gelernet hêt	
des an der heilegen schrift stêt.	
doch anders was sîn leben guot:	535
vil rehte stuont gein gote sîn muot.	
er was kiusche, und hêt er iht,	
des barc er von den armen niht.	
sînem volke gienc er vor	
als er kunde ûf der sælden spor.	540
sus lebte der êwarte als ich sage.	
eine messe sîne tage	
von unser vrouwen die sanc er.	
die treip er hin, die treip er her;	
diu hebt sich rehte des gewens	545

526. jugende? wunder? 530. alsust 531 ff. die nâmtliche
legende erzâhlt auch der verfafser des Passionalis, s. Marienlegenden
nr viii, s. 58—62.

'salve sancta parens.'
 der andern was er gar ein gast.
 wan im des amptes sus gebrast,
 dem bischove er gerüezet wart:
 ze hove muost er an die vart. 550
 dô vrâgte in der bischof sâ
 'sage, ist ez wâr?' dô sprach er 'jâ,
 herre, leider, ez ist wâr.'
 dô wart der bischof missevar;
 von grôzem zorne daz geschach. 555
 mit unmuote er zuo im sprach
 'ir trügenære gar verlogen,
 ir habt got unt die werlt betrogen
 nû strîchet rehte in gotes haz
 und sît verbannen für baz. 560
 lât messe, lât daz gotes amt,
 daz sich in iuwer munte schamt
 ze wonen: ir sît rehte lôs.'
 alsus der êwart dâ verlôs
 mit urteil pfrüende und ouch sîn ê. 565
 daz tet dem armen manne wê.
 dannân schiet er âne trôst.
 von sorgen wart er sît erlöst.
 des selben nahtes dô er slief,
 den bischove unser vrouwe rief. 570
 er antwurt ir 'wer ist dâ, wer?'
 sie sprach 'dâ bin ich komen her
 umb mînes kanzelæres nôt.
 in drîzic tagen bîst dû tôt
 (des hân ich mînen sun erbeten), 575
 dune heizest in mîn dienest treten
 mînen kanzelær wider als ê.'
 der bischof sümte sich niht mê,
 er sante nâch im, er quam wider:
 vor dem êwarte viel er nider, 580
 er bat im sîne schulde vergeben,
 er hiez in singen unde lesen
 als er vor gepflegen hât.

568. sint

570. und der vr. [582. leben? vergl. 541. Hpt.]

- er gap im spîse unde wât
 die wîle er lebte. alsus fuor er. 585
 diu reine maget uns gewer
 daz wir ir solhen dienst geben
 dà von wir êweclichen leben.
 ir hant sî ob uns unde enneben.
 hie sol daz dritte fünfzig heben. 590
- Hilf uns, vrouwe! wir sîn bræde
 von gebürte, diu werc sint snæde
 diu uns hulfen zuo dem rîche
 dà wir leben êwelicliche.
- Hilf uns unser sünde bihten 595
 lûterlichen unde lîhten
 von gedanken Worten werken:
 dû maht uns ze guote sterken.
- Hilf uns, vrouwe, daz wir weinen
 unser sünde, dar zuo meinen 600
 got mit herzen und mit sinnen,
 unsern ebenkristen minnen.
- Hilf uns armen ganzer riuwe,
 rechter buoze, stæter triuwe;
 gib uns sin zu dem gelingen 605
 der uns mac ze himel bringen.
- Hilf uns, vrouwe, ûz den sünden
 die wir niemen künden,
 daz vergezzen sünde heizent
 unt die tiuvel ûf uns reizent. 610
- Hilf uns daz wir hie gebüezen
 alsô daz wir dort niht müezen
 brinnen in der helle fiure:
 gotes güete uns dar zuo stiure.
- Hilf uns, vrouwe, daz wir werden 615
 gotes kint, hie ûf der erden
 heizen mit der kristen namen,
 daz wir uns sîn dort iht schamen.
- Hilf uns daz uns iht erwische
 gâher tût, von gotes tische 620
 daz wir werden iht verbannen:

- hilf uns, vrouwe, dar unt dannen.
Hilf uns, vrouwe, durch die dinen
 reinen muoter, lâ daz schînen
 daz nie bezzer kint von wibe 625
 wart geboren dinem lîbe.
- Hilf uns durch die reinen bürde**
 der dû maget swanger würde
 und maget trüege und ouch gebære,
 daz wir werden sünden lære. 630
- Hilf uns, vrouwe, durch den êrsten**
 blic den dû tæť an den hêrsten
 sun, der gotes einborn heizet,
 gegen den tiuvel der uns reizet.
- Hilf uns durch die kristes blicke,** 635
 die er tet an dich vil dicke
 als ein kint an sîne muoter:
 swaz dû wilt, durch dich daz tuoter.
- Hilf uns, vrouwe, durch die vorhte**
 die Herôdes der verworhte 640
 mit den kindern an dir mahte,
 diu er sluoc unt dich erschrahte.
- Hilf uns durch daz reine vliehen**
 nâch Egypten: durch daz ziehen
 got dû zûge an dinen brüsten, 645
 des dich mohte wol gelüsten.
- Hilf uns, vrouwe, durch daz grüezen**
 daz dû tæťe den vil süezen
 sîne kintheit in der wiegen,
 daz die vînde uns iht betriegen. 650
- Hilf uns durch die süezen vrâge**
 die dû tæťe sîne mâge,
 dô dû sîn bî dir niht funde,
 dô er êrste lêren begunde.
- Hilf uns, vrouwe, durch daz schriên** 655
 daz durch Marten und Mariên
 dô geschach von Magdalên,
 dô Krist Lazarum hiez erstên.
633. einborner. 641. wahte? 642. do er — ersracte 651.
 durch] daz 657. Magdalenen

- Hilf uns durch die toufe reine
in dem Jordan, dô gemeine 660
Kristus ab wuoch al die sünde
die man in der toufe fünde.
- Hilf uns, vrouwe, durch die vasten
die Krist tet, daz wir gerasten 665
bî dir, sô wir scheiden hinnen,
daz wir ruowe sô gewinnen.
- Hilf uns durch den süezen hunger
den Krist leit und sîne junger,
dô er an den vîchboum suohte 670
fruht, niht vant und in verfluohte.
- Hilf uns, vrouwe, durch die lère
die er lêrte, uns ouch bekêre
baz gên im, gên dir, vil guote,
muoter, maget, wol gemuote.
- Hilf uns durch daz werde enpfâhen 675
mit den palmen, dô Krist nâhen
Jerusalem der stete wolde,
dâ er lêrte daz er solde.
- Hilf uns, vrouwe, und wis gemant,
er brach sich von der juden hant: 680
dô weich im der stein biez wîchen
und der vâlant lesterlîchen.
- Hilf uns durch daz mandâtezzzen,
daz Krist nam; niht wart vergezzzen
vrâgens dâ, wer in verriete: 685
Jûdas nam des tôdes miete.
- Hilf uns, vrouwe, durch die bete
die Krist sînem vater tete
alsô, ob ez mûgelich wære,
daz diu marter in verbære. 690
- Hilf uns durch daz reine bâgen
daz er tet, dô slâfent lâgen
sîne junger, die er wakte
unt sie ûz dem slâfe erschrakte.
- Hilf uns, vrouwe, durch daz vallen 695

661. Crist abe w. aller der s. 677. stat 678. do 688. dinem
690. gebere 691. rein enpfâhen 692. tete sl.

- sîner venjen, daz wir allen
 unsern vînden an gesigen,
 böesen geisten ob geligen.
Hilf uns durch die süezen tropfen
 die Krist lie daz wirt noch klopfen **700**
 an daz herze mit den triuwen,
 daz uns unser sünde riuwen.
- Hilf uns, vrouwe, durch daz warten**
 daz er tet dort in dem garten
 dâ er inne wart gevangen **705**
 mit des leiden kusses angen.
- Hilf uns durch die bant der hende**
 daz wir nemen rehtez ende.
 dâ an uns ist krump, daz slihte.
 sus gienc dîn sun für gerihte. **710**
- Hilf uns, vrouwe, durch das wuofen**
 daz die juden mit ir ruofen
 tâten ûf ir rehten herren,
 daz wir uns von sünden verren.
- Hilf uns, reiniu, durch daz spien** **715**
 daz sie tâten an den vrîen,
 daz uns nimmer werde tiure
 wazzer in dem vegefiure.
- Hilf uns, vrouwe, in dine pflege**
 durch die Kristes halsslege, **720**
 daz wir dort iht werden veige,
 daz Krist sine wunden zeige.
- Hilf uns durch die kestigunge**
 die er leit von judenzunge,
 durch die villât an der siule, **725**
 vor des leiden tiuvels griule.
- Hilf uns, vrouwe, durch sîn kröenen**
 mit den dornen, daz wir hœnen
 unser vînde datz driër hande,
 die werlt, daz vleisch, die vâlände. **730**
- Hilf uns, als Krist sante Pêter**
 wider half. verlougent hêter
 sîn drîstunt; leider wir vil mære:
 daz vergeh uns got der hêre.

- Hilf uns, vrouwe, durch die vreise 735
 die Krist hêt ûf tôdes reise,
 dô Pilâtus twuoc die hende,
 daz uns vinde rehter ende.
- Hilf uns durch daz sūeze weinen,
 daz die vrouwen über den reinen 740
 weinten gegen dem trûte. owî, dâ
 leit dîn herze nôt, Mariâ!
- Hilf uns, vrouwe, durch daz kriuze,
 durch die nâgel vor der schiuze
 die der tiuvel ûf uns tihtet, 745
 strik mit listen gegen uns rihtet.
- Hilf uns durch die Kristes marter
 diu dîn herze twanc vil harter
 denne ie muoter kindes sterben,
 daz wir armen iht verderben. 750
- Hilf uns, vrouwe, durch die wunden,
 der sint fūnfe, daz wir funden
 alsô werden mit fūnf sinnen
 daz wir ruowe dort gewinnen.
- Hilf uns durch die begrebde Kristes, 755
 sô der lîp wirt wūrme und mistes,
 daz diu sêle ir herren werde,
 der sie gap in unser erde.
- Hilf uns, vrouwe, durch diu mære,
 der dû, vrowe, mit triuwen wære, 760
 dô man sagte 'Krist ist erstanden
 von des argen tôdes banden.'
- Hilf uns durch die dînen vröude,
 dô er dir bôt sîn beschöude
 nâch der urstende unt den vrouwen, 765
 daz wir in ze himel schouwen.
- Hilf uns, vrouwe, durch daz kapfen
 daz dû tæte ûf sînen ştapfen,
 dô er steic vermezzenliche
 zuo dem vater in sîn rîche. 770
- Hilf uns durch daz reine senen

745. der *fehlt*.
 den

762. handen

763. vreuden

764. beschen-

770. sinem

- des dîn lîp sich muoste wenen,
dô dû Kristes niht mē sæhe,
daz er uns dort iht versmæhe.
- Hilf uns, vrowe, durch dîne reine 775
unt durch den geist der dich gemeine
wart gesant vor aller zunge
der zwelfboten samenunge.
- Hilf uns, hilf uns! wir sîn dîn: jâ,
dû bist guot, vil guot, Mariâ. 780
kum uns an des tôden herte,
wis geleite und ouch geverte.
- Hilf uns, vrouwe, an dem bittern
tage, dô die übeln zittern
(sagt diu schrift), aldâ got rihtet, 785
alliu dinc nâch rehte slihtet.
- Hilf uns, hilf uns an dem ende,
guot Mariâ, nieman sende,
selbe kum, hilf in die krâmen
uns vil armen. âmen, âmen. 790
- Leser, wilt dû hoeren nû,
von mir berihtet bist dû.
der fünfzic sint mit alle driu;
daz solt dû wizzen umbe wiu.
daz êrste fünfzic, sich, daz sprich, 795
daz unser vrouwe grêeze dich,
sô sich dîn leben klieben muoz.
mit fünfzic venjen suoche. ir fuoz.
verdienest dû ir sîezen gruoz,
dir wirt nâch tôte sorgen buoz. 800
- Daz ander fünfzic ist gestrôut
in ir êre, diu wol vrôut
mit vrôude diu niht endes hât.
mit fünfzic venjen, ist mîn rât,
der vreuden sprûche für sie strôu, 805
daz sie dich an der sêle gevrôu
und ner vor bœser geiste drôu
sô dû muost varen durch diu göu.

775. ursuoch vr. 776. durch g.? 801. vreuden 805. vor sie
strewt 806. gewewt

Daz dritte fünfzic helfe gert.
 ez wart nie künic alsô wert, 810
 er möhte ir helfe gerne gern.
 bit dû, sie kan dich wol gewern,
 mit niun venjen ûf diu knie;
 die zehenden solt dû vallen ie
 gestraht zer erde enkriuzestal. 815
 der werdent fünf über mit der zal
 in ère der fünf wunden sîn,
 der marter leit durch sünde dîn.
 und volgest dû dem râte mîn,
 dû legest vil sælde in dînen schrin. 820
 Leser, ich wil dir sagen mê.
 dir tuot vil lîhte daz venjen wê.
 niht amtes lîhe ich dir dar an:
 wan obe dich got selbe erman,
 daz dû sîn muoter èren wil, 825
 sô stecke ouch selben dir ein zil.
 dû weist wol waz dû bringen maht.
 diu woche hât ie siben naht:
 dar zuo gehœrent siben tage.
 die sint gekloben als ich sage: 830
 zwelf stunde hât ein ieglich tac;
 ob dir der einiu werden mac,
 die dû vertribest in ir lobe
 (dû solt niht wænen daz ich tobe),
 sie habt dich dînen vînden obe 835
 und muoz dich lân des tiuvels klobe.

812. ja k. ich
 820. seldom

815. gestracket zu der
 822. venigen

816. funfe uber al

GEDICHT AUF MARIA

VON EINER FRAU.

Avê Mariâ, lebe
 vrî vor leide! von der gebe
 Emânûel der engel sprach.
 mit solhem gruoze er dich gesach,